

OFFERYNNAU STATUDOL CYMRU

**2014 Rhif 2714 (Cy. 271)**

**AMAETHYDDIAETH, CYMRU  
BWYD, CYMRU**

**Rheoliadau Rheolaethau Swyddogol ar Fwyd  
Anifeiliaid a Bwyd (Cymru) (Diwygio) 2014**

<i>Gwnaed</i>	- - - -	8 Hydref 2014
<i>Gosodwyd gerbron Cynulliad</i>		
<i>Cenedlaethol Cymru</i>	- -	10 Hydref 2014
<i>Yn dod i rym</i>	- -	6 Tachwedd 2014

Mae Gweinidogion Cymru yn gwneud y Rheoliadau a ganlyn drwy arfer y pwerau a roddwyd iddynt gan adran 2(2) o Ddeddf y Cymunedau Ewropeaidd 1972(1) a pharagraff 1A o Atodlen 2 iddi.

Mae Gweinidogion Cymru wedi eu dynodi at ddibenion adran 2(2) o Ddeddf y Cymunedau Ewropeaidd 1972 mewn perthynas â mesurau sy'n ymwneud â bwyd (gan gynnwys diod) gan gynnwys cynhyrchu sylfaenol o ran bwyd a mesurau sy'n ymwneud â bwyd anifeiliaid a gynhyrchir ar gyfer anifeiliaid sy'n cynhyrchu bwyd neu a fwydir iddynt(2), polisi amaethyddol cyffredin y Gymuned Ewropeaidd(3) a mesurau yn y meysydd milfeddygol a ffytoiechydol ar gyfer amddiffyn iechyd y cyhoedd(4).

Mae'r Rheoliadau hyn yn gwneud darpariaeth at ddiben a grybwyllir yn adran 2(2) o Ddeddf y Cymunedau Ewropeaidd 1972 ac mae'n ymddangos i Weinidogion Cymru ei bod yn hwylus i unrhyw gyfeiriad at offeryn UE a ddiffinnir yn Atodlen 1 gael ei ddehongli fel cyfeiriad at yr offeryn hwnnw fel y'i diwygir o bryd i'w gilydd.

Fel sy'n ofynnol gan Erthygl 9 o Reoliad (EC) Rhif 178/2002 Senedd Ewrop a'r Cyngor sy'n gosod egwyddorion cyffredinol a gofynion cyfraith bwyd, yn sefydlu Awdurdod Diogelwch Bwyd Ewrop ac yn gosod gweithdrefnau o ran materion diogelwch bwyd(5), ymgynghorwyd yn agored ac yn dryloyw â'r cyhoedd wrth lunio a gwerthuso'r Rheoliadau a ganlyn.

- (1) 1972 p. 68. Diwygiwyd adran 2(2) gan adran 27(1)(a) o Ddeddf Diwygio Deddfwriaethol a Rheoleiddiol 2006 (p. 51) ("Deddf 2006") a Rhan 1 o'r Atodlen i Ddeddf yr Undeb Ewropeaidd (Diwygio) 2008 (p. 7) ("Deddf 2008"). Mewnosodwyd paragraff 1A o Atodlen 2 gan adran 28 o Ddeddf 2006 ac mae wedi ei ddiwygio gan adran 3(3) o Ddeddf 2008 a'r Atodlen iddi a chan erthygl 3 o Orchymyn Deddf Llywodraeth Cymru 2006 (Addasiadau Canlyniadol a Darpariaethau Trosiannol) 2007 (O.S. 2007/1388) a pharagraff 1 o Atodlen 1 iddo.
- (2) O.S. 2005/1971. Trosglwyddwyd swyddogaethau Cynulliad Cenedlaethol Cymru o dan y dynodiad hwn i Weinidogion Cymru gan adran 162 o Ddeddf Llywodraeth Cymru 2006 (2006 p. 32) a pharagraffau 28 a 30 o Atodlen 11 iddi.
- (3) O.S. 2005/2766. Trosglwyddwyd swyddogaethau Cynulliad Cenedlaethol Cymru o dan y dynodiad hwn i Weinidogion Cymru gan adran 162 o Ddeddf Llywodraeth Cymru 2006 (2006 p. 32) a pharagraffau 28 a 30 o Atodlen 11 iddi.
- (4) O.S. 2008/1792.
- (5) OJ Rhif L 31, 1.2.2002, t. 1, fel y'i diwygiwyd ddiwethaf gan Reoliad (EC) Rhif 596/2009 Senedd Ewrop a'r Cyngor sy'n addasu nifer o offerynnau sy'n ddarostyngedig i'r weithdrefn y cyfeirir ati yn Erthygl 251 o'r Cytuniad i Benderfyniad y Cyngor 1999/468/EC o ran y weithdrefn reoleiddiol ynghyd â chraffu: Addasiad i'r weithdrefn reoleiddiol ynghyd â chraffu – Rhan Pedwar (OJ Rhif L 188, 18.7.2009, t. 14).

## Enwi, cychwyn a chymhwys

1. Enw'r Rheoliadau hyn yw Rheoliadau Rheolaethau Swyddogol ar Fwyd Anifeiliaid a Bwyd (Cymru) (Diwygio) 2014, deuant i rym ar 6 Tachwedd 2014 ac maent yn gymwys o ran Cymru.

## Diwygio Rheoliadau Rheolaethau Swyddogol ar Fwyd Anifeiliaid a Bwyd (Cymru) 2009

2.—(1) Mae Rheoliadau Rheolaethau Swyddogol ar Fwyd Anifeiliaid a Bwyd (Cymru) 2009<sup>(6)</sup> wedi eu diwygio yn unol â pharagraffau (2) a (3).

(2) Yn rheoliad 2(1) (dehongli)—

(a) yn lle'r diffiniad sy'n dechrau gyda'r geiriau “mae i “Cyfarwyddeb 2004/41” (“*Directive 2004/41*”)” rhodder y diffiniad a ganlyn—

“mae i “Cyfarwyddeb 2004/41” (“*Directive 2004/41*”), “Rheoliad 999/2001” (“*Regulation 999/2001*”), “Rheoliad 178/2002” (“*Regulation 178/2002*”), “Rheoliad 852/2004” (“*Regulation 852/2004*”), “Rheoliad 853/2004” (“*Regulation 853/2004*”), “Rheoliad 882/2004” (“*Regulation 882/2004*”) “Rheoliad 1688/2005” (“*Regulation 1688/2005*”), “Rheoliad 2073/2005” (“*Regulation 2073/2005*”), “Rheoliad 2074/2005” (“*Regulation 2074/2005*”), “Rheoliad 1020/2008” (“*Regulation 1020/2008*”), “Rheoliad 669/2009” (“*Regulation 669/2009*”), “Rheoliad 211/2013” (“*Regulation 211/2013*”) a “Rheoliad 702/2013” (“*Regulation 702/2013*”) yr ystyron a roddir iddynt yn eu trefn yn Atodlen 1;” a

(b) yn lle'r diffiniad o “y Darpariaethau Mewnforio” (“*the Import Provisions*”)<sup>(7)</sup> rhodder—

“ystyr “y Darpariaethau Mewnforio” (“*the Import Provisions*”) yw Rhan 3 o'r Rheoliadau hyn, Erthygl 14 o Reoliad 882/2004 i'r graddau y mae'n gymwys i reolaethau swyddogol i wirio cydymffurfedd ag agweddau ar gyfraith bwyd anifeiliaid neu gyfraith bwyd nad ydynt wedi eu cwmpasu gan Gyfarwyddeb 97/78/EC<sup>(8)</sup>, Erthyglau 15 i 24 o Reoliad 882/2004, Rheoliad 669/2009, Rheoliad y Comisiwn (EU) Rhif 211/2013<sup>(9)</sup> a Rheoliad y Comisiwn (EU) Rhif 704/2014 sy'n diwygio Rheoliad 211/2013 ar ofynion ardystio ar gyfer mewnforio egin a hadau i'r Undeb sydd wedi eu bwriadu ar gyfer cynhyrchu egin<sup>(10)</sup>.”

(3) Yn Atodlen 1 (diffiniadau o ddeddfwriaeth yr UE) ar ôl y paragraff olaf, mewnosoder—

“ystyr “Rheoliad 211/2013” (“*Regulation 211/2013*”) yw Rheoliad y Comisiwn (EU) Rhif 211/2013 ar ofynion ardystio ar gyfer mewnforion egin a hadau i'r Undeb sydd wedi eu bwriadu ar gyfer cynhyrchu egin.”

Mark Drakeford

Y Gweinidog Iechyd a Gwasanaethau  
Cymdeithasol, un o Weinidogion Cymru

8 Hydref 2014

---

<sup>(6)</sup> O.S. 2009/3376 (Cy. 298), a ddiwygiwyd gan O.S. 2011/626 (Cy. 90), O.S. 2013/479 (Cy. 55) ac O.S. 2013/3007 (Cy. 298).

<sup>(7)</sup> Mewnosodwyd y diffiniad o “y Darpariaethau Mewnforio” gan O.S. 2013/3007 (Cy. 298).

<sup>(8)</sup> Cyfarwyddeb y Cyngor 97/78/EC sy'n gosod yr egwyddorion sy'n llywodraethu trefnu gwiriadau milfeddygol ar gynhyrchion sy'n dod i'r Gymuned o drydydd gwledydd (OJ L 24, 30.1.1998, t. 9).

<sup>(9)</sup> OJ Rhif L 68, 12.3.2013, t. 26, fel y'i diwygiwyd ddiwethaf gan Reoliad (EU) Rhif 704/2014.

<sup>(10)</sup> OJ Rhif L 186, 26.6.2014, t. 49.

---

## NODYN ESBONIADOL

*(Nid yw'r nodyn hwn yn rhan o'r Rheoliadau)*

Mae'r Rheoliadau hyn yn gweithredu Rheoliad y Comisiwn (EU) Rhif 704/2014 sy'n diwygio Rheoliad y Comisiwn (EU) Rhif 211/2013 ar ofynion ardystio ar gyfer mewnforio egin a hadau i'r Undeb sydd wedi eu bwriadu ar gyfer cynhyrchu egin.

Mae rheoliad 2 yn gweithredu Rheoliad y Comisiwn (EU) Rhif 704/2014 yn gyfan drwy ddiwygio Rheoliadau Rheolaethau Swyddogol ar Fwyd Anifeiliaid a Bwyd (Cymru) 2009 ([O.S. 2009/3376 \(Cy. 298\)](#)).

Ystyriwyd Cod Ymarfer Gweinidogion Cymru ar gynnal Asesiadau Effaith Rheoleiddiol mewn perthynas â'r Rheoliadau hyn. O ganlyniad, ystyriwyd nad oedd yn angenrheidiol cynnal asesiad effaith rheoleiddiol o'r costau a'r manteision sy'n debygol o ddeillio o gydymffurfio â'r Rheoliadau hyn.